

餘虹移所刻曲

李威



蘇江夢所刻曲

李氏



雲莊休居自適小樂府引

樂府古有之亦皆本乎詩也詩三百十一篇
皆古人歌者世降時異變而爲詞爲曲咸以
樂府目之蓋詩與樂府名雖不同而其感發
懲創使人得其性情之正則一耳濟南張公
養浩字希孟別號雲莊博學碩德聲名顯赫
仕元至陝西行省御史中丞贈濱國諡文忠
政成歸隱優游嶧山構雲莊閒中獨樂斂心
上之經綸吐曾中之錦繡凡所接於目而得
於心者因製爲小令二十七目題曰雲莊休

居自適小樂府情由外感樂自中出言眞理
到和而不流誠爲治世安樂之音也依腔按
歌使人名利之心都盡擬諸古之樂府語雖
深淺其樂天知止之妙豈相矛盾哉是編也
歷下雖嘗繡梓惜字小漫滅觀之甚費目力
今求得的本手錄成帙鄉人欲請鋟梓以廣
其傳俾余弁其首簡因不能受辛而爲之引
成化庚子春三月朔旦雲菴道人大梁艾俊
用章書于濟南官舍

雲莊樂府目次

沽美酒

梅花酒兼七弟兄

胡十八

慶東原

慶宣和

最高歌兼喜春來

最高歌

雁兒落兼清江引

殿前歡

雁兒落兼得勝令

清江引

水仙子

落梅引

得勝令

一枝花

喜春來

沉醉東風

朱履曲

十二月兼堯民歌

普天樂

折桂令

塞鴻秋

朝天曲

寨兒令

山坡羊

天淨沙

西番經

雲莊張文忠公休居自適小樂府

濟南張養浩希孟譔

沽美酒

在官時只說閒得閒也又思官直到教人做
樣看從前的試觀那一箇不遇災難楚大夫
行吟澤畔忤將軍血污衣冠烏江岸消磨了
好漢咸陽市乾休了丞相這幾箇百般要安
不安怎如俺五柳庄逍遙散誕

梅花酒兼七弟兄

它每日笑呵呵它道淵明不如我跳出天羅

占斷煙波竹塢松坡到處婆娑倒大來清閒
快活更看時節醉了呵休怪它笑歌詠歌似
風魔它把功名富貴皆參破有花有酒有行
窩無煩無惱無災禍年紀又半百過壯志也
消磨暮景也蹉跎鬢髮也都皤想人生有幾
何恨日月似檣梭得魔駝處且魔駝向樽前
休惜醉顏酡古和今都是一南柯紫羅襪未
必勝漁簑休只管戀它急回頭好景已無多

胡十八

正妙年不覺的老來到思往常似昨朝好光

陰流水不相饒都不如醉了睡著任金烏搬
廢興我只推不知道

從退閒遇生日不似今忒稀奇正值花明柳
媚大寒食齊歌著壽詞滿斟著玉杯願合堂
諸貴賓都一般滿千歲

客可人景如意檀板敲玉簫吹滿堂香靄瑞
雲飛左壁廂唱的右壁廂舞的這其閒辭酒
杯大管是不通濟

試算春九十日筍指閒去如飛三分中却早
二分歸便醉的似泥渾都有幾時把金杯休

放閒須臾間日西墜

人會合不容易但少別早相離幸然有酒有
相識對著這般景致動著這般樂器主人家
又海量寬勸諸公莫辭醉

人笑余類狂夫我道渠似囚拘爲些兒名利
損了身軀不是它樂處好教我歎吁喚蛾眉
酒再斟把春光且邀住

自隱居謝塵俗雲共煙也籬處萬山青繞一
茆廬恰便似畫圖中間裡著老夫對著這無
限景怎下的又做官去

慶東原

海來潤風波內山般高塵土中整做了三箇
十年夢被黃花數叢白雲幾峯驚覺周公夢
辭却鳳皇池跳出醯雞瓮

人羨麒麟畫知它誰是誰想這虛名聲到底
元無益用了無窮的氣力使了無窮的見識
費了無限的心機幾箇得全身都不如醉了
重還醉

晁錯元無罪和衣東市中利和名愛把人般
弄付能刻刻成些事功却又早遭逢著禍凶

不見了形踪因此上向鵲華莊把白雲種
鶴立花邊玉鷺啼樹杪絃喜沙鷗也解相留
戀一箇衝開錦川一箇啼殘翠煙一箇飛上
青天詩句欲成時滿地雲撩亂

慶宣和

參議隨朝天意可又受奔波綽然誰更笑呵
呵倒大來快活倒大來快活

大小清河諸錦波華鵲山坡牧童齊唱採蓮
歌倒大來快活倒大來快活

最高歌

詠玉簪

想人間是有花開誰似它幽閒潔白亭亭玉
立幽軒外別是箇清涼境界裁冰剪雪應難
賽一段香雲壓綠落空惹得暮雲生越顯的
秋容淡常引得月華來和露摘端的壓盡鳳
頭釵

最高歌兼喜春來

詩磨的剔透玲瓏酒灌的癡呆懵懂高車大
纛成何用一部笙歌斷送金波潋灩浮銀瓮
翠袖殷勤捧玉鍾對一縷綠楊煙看一彎梨
花月臥一枕海棠風似這般閒受用再誰想

丞相府帝王宮

雁兒落兼清江引

喜山林眼界高，嫌市井人煙鬧。過中年便退
官，再不想長安道。○綽然一亭塵世表，不許
俗人到。四面桑麻深，一帶雲山妙。這一搭兒
快活直到老。

殿前歡

可憐秋一簾疎雨暗，西樓黃花零落重陽後。
減盡風流對黃花人自羞，花依舊人比黃花
瘦。問花不語花替人愁。

前調 登會波樓

四圍山會波樓上倚闌干大明湖鋪翠描金
閒華鵲中間愛江心六月寒荷花綻十里香
風散被沙頭啼鳥喚醒這夢裡微官

前調 玉香毬花

玉香毬花中無物比風流芳姿奪盡人間秀
冰雪堪羞翠幃中分外幽閒時候把風月都
薰透神仙在此何必揚州

前調 村居

會尋思過中年便賦去來詞爲甚等閒閒不

肯來城市只怕俗却新詩對著這落花邨流水堤柴門閉柳外山橫翠便有些斜風細雨也近不得這蒲笠蓑衣

雁兒落兼得勝令

往常時爲功名惹是非如今對山水忘名利
往常時趁雞聲赴早朝如今近餽午猶然睡
往常時秉笏立丹墀如今把菊向東籬往常
時俯仰承權貴如今逍遙謁故知往常時狂
癡險犯著笞杖徒流罪如今便宜課會風花

雪月題

雲來山更佳雲去山如畫山因雲晦明雲共
山高下倚杖立雲沙回首見山家野鹿眠山
草山猿戲堦花雲霞我愛山無價看時行踏
雲山也愛咱

抖擻了元亮塵分付了蘇卿印喜西風范蠡
舟任雪滿潘安鬢乞得自由身且作太平民
酒吸華峯月詩吟灤水春而今識破東華夢
紅裙休歌南浦雲

三十年一夢驚財與氣消磨盡把當年花月
心都變做了今日山林興早是不能行那更